

Gabinete Mike Eman 2

Proyecto Plaza Padu birando un realidad



ORANJESTAD- Den un parti di e parkeerplaats di edificio di Cocolishi a tuma luga inicio di e proyecto Plaza Padu.

E plaza impresionante ora e ta completamente cla. E ceremonia di inicio di construccion a tuma luga den presencia di tur Minister, empleadonan di Oficina di gobernacion y algun invitado. E invitado di honor tabata Juan Chabaya 'Padu' Lampe, kende tabata gosa masha hopi mes di henter e ambiente agradabel. Ora su yerno Victor Samuel hunto cu e musico Mario Kelly riba fio, a canta e inolvidabel 'Abo so' tur presente a canta e bunita cancion aki cu nan. Tabata un momento di emocion grandi.

Minister di Infraestructura



Benny Sevinger a bisa cu atrobe a yega na un punto di celebracion. "E vision di Gabinete Mike Eman I y II cu ta encera renobacion di nos pais, un vision cu Minister President ta cargando tur dia stap pa stap pa loke ta e proyectonan, atrobe a yega un fase importante." Sev-

inger a bisa cu loke a bin haci ta tambe un control di con e trabounan ta bayendo y cu Padu a bin compana nan den esey.

Minister Otmar Oduber a splica cu algun dia pasa parando na tereno di APA, nan a papia di consistencia, di



bisa algo y percura pa ehecuta loke ta wordo bisa. "Un par di aña pasa nos a para na e mesun plenchi aki pa bisa loke ta bay tuma luga y awe nos ta para cu e mesun consistencia ey pa muestra cu nos ta cla pa e parti final di loke mester wordo ehecuta." Minister Oduber ta kere cu no tabatin un miho luga pa rindi honor na e icononan di Aruba cu Plaza Padu y laga e sentido y orguyo di ta Arubiano resona tur caminda.

Prome Minister Mike Eman tin un aprecio y admiracion enorme pa Padu y a splica e motibo di e plaza den su honor. "No por tin un miho

personalidad den historia di pais Aruba pa por haya e nomber di un plaza cu ta Padu. E plaza aki ta e vinculo pa trece hunto institucionan importante pa pais Aruba. Nos edificio di Gobernacion, di Parlamento, edificio y sede di Gobernador, Plaza Henny Eman, oficina di Censo, edificionan monumental y historico cu ta acopla y mara hunto pa un plaza cu nos a dicidi di duna e nomber di Padu Lampe.

Pakico Padu? Padu ta personifica dos aspecto importante di henter e desaroyo di Aruba como pais. Hopi conoce un di nan. Como famia di padu mi conoce e otro tambe. Hopi no sa cu Padu a cana como pionero den e lucha pa Aruba un dia por ta 'baas den su mes cas'. Eman a splica cu e tempo ey caba e musica di Padu y su lealtad politico a sirbi como inspiracion pa hopi.

Despues di e ceremonia oficial na unda a pone un piedra cu un texto cu ta keda pa historia, a sigui un brindis chikito na unda Padu tabata e invitado di honor. □